

Kejohanan BOLA SEPAK PIALA MASUM 2011

Oleh : En. Mohd Hafeez Nordin



Pada

27 Oktober hingga 3

November 2011 yang lalu pasukan Bola

sepak pelajar UniMAP telah menyertai kejohanan Bola

Sepak Piala MASUM 2011 yang bertempat di UiTM Kampus

Arau Perlis. Seramai 18 buah Universiti telah mengambil

bahagian pada kejohanan kali ini. Antara universiti yang

mengambil bahagian adalah UiTM, UTM, USM, UPM, UPNM,

UKM, UTHM, UUM, Unisza, UMK, UMT, UniMAP, UPSI, USIM, UMS

, UMP, UM dan UIAM. Format Kejohanan adalah dibahagikan

kepada dua bahagian iaitu winner pools dan loser pools

yang mana pada perlawanan pertama setiap pasukan akan

menentukan kategori perlawanan sama ada ke kumpulan

menang atau kumpulan yang kalah dan pada peringkat kedua

adalah melibatkan perlawanan di peringkat kumpulan yang

memasuki pusingan ke dua, suku akhir dan juga separuh akhir

serta akhir bagi setiap kategori.

Didalam kejohanan ini UiTM selaku Tuan Rumah Kejohanan

telah menjadikan kampus UiTM Arau sebagai venue pilihan

pada kali ini berbanding pada edisi yang sebelumnya

diadakan di Kampus Sri Iskandar Perak. Buat julung kali nya

pada edisi ini pasukan bola sepak pelajar UniMAP telah berjaya

memasuki peringkat kumpulan menang dengan perlawanan

pertama turut memenangi keatas UMP dengan jaringan 1-0.

dan seterusnya layak secara automatik melalui undian dan

mendapat laluan "Bye" untuk ke pusingan ke 3 bagi suku

akhir yang bertemu dengan UPM. Namun pada peringkat

ini pasukan Pelajar UniMAP terpaksa akur dengan kekuatan

dan pengalaman Pasukan UPM yang turut memenangi

perlawanan ini dengan jaringan 0-3. dan kejohanan ini turut

di ungguli oleh Juara bertahan UiTM selaku johan Pasukan

"Winners Pools".

Walaubagaimanapun semangat dan usaha yang baik telah

ditunjukkan oleh mereka didalam pertandingan kali ini dan

diharap semangat untuk kuat berusaha dan berlatih akan

dapat meningkatkan lagi kualiti dan juga mutu bola sepak di

UniMAP. Ayuh terus semangat juang anda untuk kejohanan di

masa hadapan.

SUKAN PANTAI MASUM 2011

Buat julung kalinya MASUM telah mengadakan kejohanan

sukan Pantai MASUM 2011 pada edisi 1 ini bertarikh 1-4

Disember 2011 yang mana telah diadakan di Pantai Bagan

Pinang, Port Dickson Negeri Sembilan. Sebanyak 8 acara telah

dipertandingan iaitu sukan Bola sepak pantai lelaki, bola sepak

pantai wanita, bola jaring pantai wanita, bola tampar pantai

lelaki, bola tampar pantai wanita, sepaktakraw pantai lelaki

dan juga larian pantai. Kontingen UniMAP telah menghantar

seramai 83 orang pelajar dan 9 pegawai pada kali ini, sebanyak

5 acara telah disertai oleh pasukan kontingen UniMAP iaitu

bola sepak pantai lelaki, bola tampar lelaki, sepak takraw lelaki,

bola jaring wanita dan juga larian pantai.

Walaupun sukan MASUM pantai ini baru pertama kali

diadakan maka untuk yang akan datang pasukan UniMAP

akan lebih berusaha untuk memperbaiki prestasi dan juga

persediaan dalam menyahut cabaran Sukan Pantai nanti.

UniMAP Mantap.....